

明清史料

丁編

第三本

明清史料目錄

丁編第三本

二百零一至三百葉

平南將軍趙國祚密揭

二〇一

勅諭固山額真郎載等鎮守福建稿

二〇五

溫台賊勢重大殘揭帖

二〇六

兩廣總督王國光會題閩商李楚等走險出洋殘

件

二〇七

江南新設水師殘件

二二一

部題閩撫劉漢祚疏殘本

二二三

五大商會定老等私通鄭成功殘揭帖

二二五

溫州保固磐石獲捷功案殘件

二二六

浙江總督趙國祚殘揭帖

二二七

阿思哈哈番鄭純揭帖

二二〇

浙江巡按牟雲龍揭帖

二二三

廣東潮陽揭陽海防新設水師殘件

二二三

浙江總督趙國祚揭帖

二三

浙江總督趙國祚揭帖

二三五

海逆深入江南等情議

二三六

投誠鹽運使謝國寶奏本

二三七

浙江巡撫佟國器殘揭帖

二三八

貴州巡撫卞三元揭帖

二三三

鄭成功崇明繼潰殘揭帖

二三三

福建總督李率奏揭帖

二三四

江南江西總督郎廷佐揭帖

二三五

山東巡按程衡殘揭帖

二三六

江南江西總督郎廷佐揭帖

二三六

山東巡撫許文秀密揭帖

二三九

江南總督題海寇異變稅課委無可徵殘本

二四一

浙江巡撫佟國器揭帖

二五三

浙江總督趙廷臣題本

二六三

兩廣總督李棲鳳殘揭帖

二五四

潮鎮吳六奇定期進發廈門殘件

二六五

江南總督卽與蘇松提督梁化鳳割付

二五七

耿繼茂抄錄僞侯鄭泰來啓

二六六

戶部尙書車克等殘題本

二五八

抄錄僞帥阮美手書

二六七

山西巡撫白如梅殘題本

二五九

兩廣總督虞興祖密題本

二六八

浙江總督趙國祚題本

二六〇

福建水師提督施琅殘奏本

二七一

平南王尙可喜題本

二六一

勅諭明珠等鄭經比例朝鮮不便允從

二七二

招撫鄭成功部下建功來歸詔

二六二

福建總督劉斗題本

二七三

浙江總督趙國祚題本

二六三

刑部殘題本

二七五

諭兵刑二部

二六五

兵部尙書科爾可大等題本

二七六

兵部揭帖

二六六

工部尙書吳達禮等殘題本

二七八

嚴禁通海勅諭

二六七

江寧提督楊咨安南將軍楊文

二七九

刑部等衙門尙書覺羅雅布□等殘題本

二六八

兵部抄奉命大將軍和碩康親王傑淑等題本

二八〇

江南江西總督卽廷佐奏本

二六〇

禮部祠祭清吏司密手本

二八二

陝西巡撫賈漢復密題本

二六一

吏部尙書吳達禮等殘題本

二八四

海賊聯鯨飄劫虎門殘件

二五

兵部尙書郭四海等殘題本

二五

福建總督姚疏稿

二五

兵部尙書李之芳等殘題本

二六

福建提督施琅奏本

二七

部題福督王國安疏殘本

二九

已故公鄭克塽母黃氏再籲天恩清查產業殘葉

三〇

明清史料

丁編第三本

二百零一至三百葉

平南將軍趙國祚密揭

欽命掛平南將軍印固山額真趙國祚爲海逆攻圍象邑文武協力全城謹將賊踪南遁并堵殺獲捷塘報據實馳奏以慰睿懷事竊照閩逆鄭成功於羊山遇颶沉溺賊紅官兵勦獲各情形職已于九月十六日具疏上聞矣但賊逆雖經挫銳其賊衆黨羽及大艚紅隻游移海上不計其數職屢嚴飭沿海鎮道將領多方防禦迎頭堵截隨于九月十七日據寧波海道副使李國棟塘報內稱本月十三日申時據撫標右營守備田穀勝寧標守備陳天性等報稱本月十一日辰時卑職等飛騎至溪下王地方遇有逆賊打大旗迎敵卑職等奮勇衝進陣砍逆賊命旗手并賊衆數十餘人其賊投水者不計其數陣擒僞中軍許廷活賊巨魁謝陞謝文許芳潘毅李吉徐宜李明許豸等因身帶重傷不能行動難以解驗隨于陣前砍殺訖燒燬賊紅三隻當獲大旗二面僞印二顆刀四口鎗一桿僞票十六張活賊身甲號布九票見在呈解其餘賊紅拋在海中遠望賊踪尙有四五十隻賊衆在山處處埋伏及問往象山路途止有石門嶺胡陳兩路今賊衆堵截逼山是賊沿海是紅卑職等因兵單難以前進復往黃墩理合塘報等因十八日准提督臣田雄塘報本月十五日申時據撫標右營遊擊劉承應塘報內稱本月初二三四等日賊踪無數滿海游移水陸阻截初五日賊紅數千餘號進哈巴嘴先發衝鋒賊紅四十餘隻直抵黃溪渡離縣僅止十里勢必窺犯縣城卑職即密商李副將一面將本標及寧標官兵回縣城守一面撥發中軍都司李相陞及山東守備王永泰等各率馬步官兵卑職督同

星赴黃溪堵剿賊有數千正在洋巴黃溪兩股登岸官兵奮勇衝殺本標內丁千總李才芳周之弼紅旗千總任彪徐定邦劉英及寧標紅旗千總朱一龍劉忠等活擒衝鋒賊首八名奪獲鐵盔甲四副藤牌一面長鎗五桿腰刀三口及偽號票十一張俱交寧協彙解外寧標都司李相陞千把總溫魁曹三桂喬允璧翁應魁內司千總張崇禮紅旗千總張進才李之時山東守備王永泰把總劉思艾等親斬賊七十餘級下水淹死一百餘人燒燬大賊紅一隻其活賊當會文武各官梟示外但賊踪鱗集勢必圍犯孤城萬分危急即于本日差役飛報軍前亟請大兵救援隨即公同會議卑職帶領本標千總宋登魁把總陳國統王繼成白化龍張奇等分守東北面城二百五十垛防禦東門李副將分守東南西南四百五十垛防禦西門都司李相陞督所轄千總溫魁黃守能把總曹三桂翁應魁喬允璧郭進德右營守備趙世祿把總白永魁署把總俞學易紹標署把總謝文韓進祿等防禦南門山東守備王永泰把總劉思艾分守西北城二百垛防禦北門當夜俱登城守埤整列銃砲設備火礮其該縣陳知縣催督鄉兵協守垛口着令縣丞余敏典史王起蛟督率居民搬運石塊檣木挨牌石灰及運煎尿糞等項守禦之具各各齊備鄭逆親統數十萬之賊東由陳山海口西由洋巴黃溪四處登岸兩股齊進直抵東西二門至北門一帶沿山環札西至石門嶺東至三角地又一股由公嶼登岸直抵梅溪西南一帶至九頃止四面重圍百餘里盡皆鐵盔鐵甲蜂擁蟻屯旌旗蔽日金鼓不絕馬匹數百有餘大小銃砲藤牌雲梯不計其數帳房密布遍山塞野無所不到飛鳥莫出斗大孤城危在累卵卑職惟與文武各官矢誓齊心協力晝夜死守逆賊不敢遽攻困至初八日四面大呼城中及蚤投降初九夜逆賊佈雲梯周圍齊上官兵使砲石亂打賊人稍退五更時分各持噴筒直上雲梯卑職即令官兵各將衣被浸溼抵敵火礮檣木齊下賊

衆鼠竄不敢近城賊瞭密佈置刻刻不疎知不易破遂于十一日拔營而去卑職卽會商李副將令山東守備王永泰把總劉思艾等出北門寧標都司李相陞千總溫魁內司千總張崇禮劉忠馮加會王金金玉質鄭順何俊等出西門卑職帶領千總宋登魁把總陳國統王繼成白化龍張奇等出東門分頭追擊逆賊狡計叵測于東門外要路預掘大濠連日天雨山水漲滿且過濠皆騎馬勁賊塔後北面高山及西門彭母嶺上皆勁賊斷後自上打下難以窮追各帶兵回縣恐賊計復犯仍督官兵照舊嚴防外切思逆賊重圍六晝夜孤城幸而保全等情到督據此案照九月初三日據報賊艘盡入河頭渡本提督隨會同夏梅勒海道李副使先調發山東副將談振德官兵及撫標防守奉化官兵寧海駐防叅將王萬成官兵前去應援至初九日據寧協副將李時芳報稱海賊擁衆圍困縣城請兵救援本提督隨整擄標兵親統馳援因逆賊舟山留五僞鎮紅兵又橫水洋有賊艘游移裘村曹村穿山大嵩各衝汛皆逆賊登犯之處數十里可抵郡城因會商以戰紅郡城爲重卽議調河南副將鄧汝功山東副將談振德提標遊擊徐景松魏朝選署管營遊擊張勇各統帶馬步官兵二千餘名令其由各防本汛啓行于奉化會齊星夜前進象山援勦檄留遊擊魏朝選總統主客官兵在奉化防守本月十五日卯時據督陣都司張應元回寧稟稱官兵自奉化起身兼程而進沿途遇有賊撥堵塞要險官兵奮勇直衝已抵石門嶺離縣不遠先來回報等情今據該遊（擊）劉承蔭塘報會同協守李時芳泊縣令多方鼓舞合力堵禦固守危邑以待援兵逆賊擁衆攻犯而城上官兵奮勇擊賊數日以來晝夜無懈賊旣聞援兵將抵縣城而城內又堅意固守遂遽將紅隻盡退出外洋但賊艘雖已退出狡謀叵測當嚴檄援勦各將及象山文武官員仍加意隄備其固守孤城保全疆土皆該縣文武及援勦各官勞績均不可泯俟查確另行肅報合先

飛報等因十九日又據水師總兵官常進功塘報本月十三日據防守大嵩中營千總耿尙明報稱本月十二日未時瞭得大鯨賊船不計其數從奉化河頭使出頂風于酉時截往象山老岸下河頭起一帶至棚沼地方停泊一晚直至十三日辰時鳴鑼擊鼓放砲揚帆起身其頭船向蒲門往南行使俟後船出盡之時另文再報等情二十二日又據該鎮塘報本職竊料狡賊兇謀彼鯨南往分掠恐我官兵出勦故使分鯨飄忽以張賊勢牽制我師本職酌發本標內司千總楊得勝張豹高永陸中營把總張友功楊龍鎮定四水營千把總李應元張陞姜應龍劉奎陳奇略劉堯奇楊賜陸奎等坐駕水底艚沙船共口隻令其各帶兵丁于十四日午時出洋巡哨口後本日戌時隨據內標千把總楊得勝等報稱瞭探得金塘烈港一帶直至橫水洋不見賊船當即隨潮進關前來本職因其哨探不遠且舟山情形未悉又嚴令各官當夜出哨去後今據內標千把總楊得勝等報稱勝等奉提督本職鈞令于本月十五日坐駕水底艚沙船共十隻督率官兵于本夜四更時分出關天明到橫水洋一帶瞭探見有賊船一隻隨即追趕賊船見我官兵隨即使出外洋因風潮不順勝等隨進火燒門舟山道頭瞭見巡哨小賊船一隻當即追趕到鹽倉潭勝等砲箭齊發其賊驚慌俱口赴水船內有大旗一面鎗五桿腰刀四把綿十一領僞印布票二個荳五斗食米二斗稻子四石五斗勝等隨往岑港口烈港一帶俱無船隻至于十六日二更收泊回關理合稟報本職擬合轉報等因二十五日又據該鎮塘報十九日卯時據防守霽靄城守營把總張大鯨報稱本月十七日辰時霧收瞭見賊鯨在三山崑亭前倉小佛頭山下一帶賊艘苗頭向南使至未時等情擬合塘報等因十月初一日准提督塘報據寧協副將李時芳報稱本月初五日鄭逆統衆親犯象邑官兵擒斬多賊奪械燒船及誓死固守并十一日逆賊退遁情形俱經詳晰具報在案但昌石錢

爵四衛所當日信息不通至賊退急差兵役分頭確探去後據報昌國石浦賊俱未到爵谿所初六日有賊數百前去窺犯王千總出外打仗殺賊許多傷兵一名次早又有賊數千到爵城外刼掠一邊又攻打城內王千總仍帶兵衝殺又傷賊數個自己亦傷兵數名馬二匹有昌國(薛)薛都司差紹標趙百總帶兵來到一齊殺退今王千總見在城守趙百總至次日回昌國去訖等情該卑職復行千總王弘勳詳查前項緣由據本官呈覆相同又稱署嵒城千總楊紹登于初七日在城上督率鳥鎗往外擊打被賊箭傷今在醫治卑職初六日力戰殺傷多賊陣亡兵丁王應雷初七日又復力戰殺賊數名陣亡兵丁繆金楊明旺厲升并馬二匹奈賊衆甚多正衝殺危急忽紹標百總趙雲帶兵前來與職一同奮擊得獲保全等情又據原防錢倉百總葉秉忠稟稱小的於本月初五日瞭得賊船無數俱使進湖頭渡當晚蒙王把總撥忠來口報請兵不意來到三角地遇賊堵截飛奔深山躲避數日無食今探得錢倉係初八日賊衆萬餘到彼一面刼掠一面圍攻王把總仗素日勇猛出西門堵殺賊衆圍裏迎敵其南面攻打賊衆扒城直上守城屯丁鳥鎗擊退各賊聞縣圍已解不敢停留遂飛奔海口橋上船訖但王把總生死無信兵丁奪圍奔殺查有葛允昌來恩二名陣亡又有張龍阮龍王光樂正徐卿張卿伊光遠徐可堯陳之綸吳瑞竺茂王相袁勝厲宰劉義吳祖張景曜等一十七名并馬二匹亦生死未知各到職據此除一面撥員前往錢倉防守恐官兵有衝散山谷一面差役四路搜查惟招有潛匿投誠兵民一百七名口呈解本提督審奪發落外其各官兵絕無下落事關陣失合亟呈報等情據此理合轉報等因同日又據撫標遊擊劉承廕報稱十六七八等日有北來賊船自龍洞口行使往南計四艘約有四千餘號連檣接尾行使往南洋出三門林門金齒門去訖等情初二日據署台區海門水師左營遊擊事李宏德右營遊擊賀國

柱山東駐防副將張德俊塘報九月二十五日已時瞭得擔門海洋有賊船大小一千有餘向往海門行使職等各親督官兵加謹防禦本時潮長東風順急賊船大艚乘潮徑自入關行至未時啣尾不絕約計三千有餘俱望內港中流直上南北兩岸官兵列隊港邊架砲攻擊賊望中流向上行使復瞭海外尙有多船隱隱連檣戩使勢甚猖熾乞速發大兵急援等情同日又據台州總兵官張杰塘報九月二十五日已時據海門水師左營遊擊李宏德塘報卑職親自瞭得大艚船一千餘號俱離海門二十里泊住後船陸續不絕伏望賜發援兵應勦等情到職不移時果見賊船蔽海而來一股陸續登岸幸本職隨即立督馬步官兵迎頭撲殺逆賊我兵乘勢奮勇截殺賊即披靡上船殺死淹死不計活擒逆賊百餘陣獲刀鎗器械不計又有逆艚一股從下岸乘潮竟抵黃巖城下是時本職又恐黃巖兵單遂將活擒帶傷逆賊盡行斬訖止留活賊十餘名備問情形一面星飛復至黃巖北門沿江一帶用大砲鳥鎗弓矢奮力勦殺火箭燒壞船隻殺死射落水者不計其數自已至未賊遂支持不住俱各逸出三江口我兵隨船攻打追殺至三江口奈江闊船遠不能飛敵遙見賊船零星西向有往郡城情形詢係國姓親統船來本職視其苗頭隨路跟追堵殺保固郡城外理合塘報等因本月初三日又據該鎮塘報九月二十六日戌時據三江口撥兵報稱賊船隨潮往台二更時分本職統帶官兵由沿海岐路至釣魚嶺堵截時已天明果見賊船三百餘號約賊三千有餘本職遠視逆賊紛紛上岸暗傳官兵竭力用心撲殺務使大創軍威將兵馬聯絡分布山林賊俱四散打糧將船停泊江下本職立令大砲弓箭鳥鎗齊出迎頭亂砍賊乃慌忙奔竄又將火箭齊發賊船俱打過江北逆賊不能上船當陣砍殺四百有餘落水淹死甚多陣擒四十三名俱各帶重傷不能行走又恐礙手俱已斬訖火箭燒燬船二隻見獲大水底艚一隻內有賊頭

穿大紅蟒袍者被烏鎗打死沿江隨灣攻打追趕二十餘里賊船方陸續退出至申時又有賊船百十餘號至石村地方停泊本職因官兵二日兩夜未經寢食仍割營江邊觀賊動靜候剿外所有陣獲器械俟查明另報但狡謀叵測豕突堪虞本職標兵屢經鏖戰乞迅發精銳官兵星夜來台接應用壯聲援等因初五日又據分巡紹台道楊三辰塘報二十七日賊踪仍灣泊三山柵浦家子一帶港口至二十八日賊衆分竄登岸勢圖攻犯本職親帶山東調防把總朱才盛本營把總商應捷嚴標把總傅得勝督帶馬步兵丁分作兩路攻打至家子塘嶺一帶殺死賊徒百餘人活擒賊徒四名俱係福建下南人內披甲二名當即梟示小子二名見在留營奪獲刀鎗籐牌纏頭布不計官兵奮勇追殺至家子東岸賊即敗遁拔斷木橋無由追勦收兵回汛等因同時又准駐防前所山東副將張德俊遊擊賀國柱報稱二十七日日本職等鼓勵官兵突出西門沿江一帶飛勦直至章安泊船處所途遇投誠姜天祿向前叩訴口供另報外賊見我兵奮勇將所掠糧物棄途各執銳械抵敵官兵力戰銃彈弓矢齊發賊鋒稍挫且戰且退向船奔逃官兵追至途側箭斃銃死溺水甚多餘賊浮水逃船即放中流繫泊二十八日本職等復統領中千把總等官兵仍往撲勦逆賊迎頭來敵我兵用命衝殺銃矢兩發中傷賊徒不計活擒劇賊七名賊氛漫路不便活解隨即斬訖奪獲被甲刀釵等物不計自卯至午賊始披靡官兵仍收回汛等情同時又據該道報稱准張總鎮塘報二十七日黎明據瞭望兵丁報瞭楊梅畧有二十餘號停泊上岸打糧本鎮即親督馬步官兵前去撲勦盡行砍殺淹死不計據擒活賊口供內有僞將一名已被箭射死賊船見官兵奮勇用烏鎗攻打堵殺賊船不敢攏岸陸續開去又據撥兵飛報長田地地方有賊船百十餘號灣泊因內有港口賊衆登岸打糧本鎮復即星帶官兵飛馳該地正遇逆賊登掠本鎮即指揮官兵分頭砍殺

從午鏖戰至申秋殺活賊數百餘名拏獲賊船一十三隻即欲駕使回台竟被賊船二三百號追圍港口蜂擁救護放砲打我官兵不能駕脫隨即將所獲賊船盡行燒燬其燒壞船底現存盔甲器械等項搬運不及隨船焚燬訖事干大捷合先塘報等情各到職據此該職看得象邑孤懸海外逆孽擁衆攻圍內外阻絕計六晝夜葦爾彈丸勢甚岌岌幸文武各官効命固守各路兵馬接應援賊見縣城守堅援師將至遂於十一日揚□隊遁象城危而復安此皆仰仗皇上天威遐邇文武用命之所致也其有功各官俟職查明另行題敘又據水師總兵報稱撥船哨探賊踪往南職料逆賊勢必窺犯溫台一面飛檄沿海鎮道將領加謹隄備一面移咨梅勒章京臣夏景梅統領烏金超哈官兵五百員名又調綠旗官兵一千二百員名隨梅勒章京先赴嵎縣相賊所向馳赴應援復慮賊□苗頭既已向南溫州陸路寫遠恐一時有警援兵難以蹴至又發烏金超哈官兵一百員名綠旗官兵一千員名馳往溫州添防去後隨據□州鎮道各塘報賊踪三千有餘乘潮直上雖台鎮張杰於黃巖三江口等處設伏扼堵僇力鏖戰三次獲捷擒斬賊衆燒燬賊船得獲器械船隻逆鋒稍挫但大踪尙在台屬職即飛移梅勒章京夏景梅統率滿漢官兵星馳援台又移提督臣田雄撥發官兵一千員名責令叅將王萬成統領由寧海就近策應俟有情形另疏奏聞外合將象邑保全台汛獲捷各情形馳報仰慰睿懷其錢爵二所官兵下落容職查確另疏具奏職謹會同撫臣陳應泰梅勒章京臣夏景梅陳典謨提督臣田雄□詞密題伏祈勅部查照施行爲此除密題外理合具揭須至揭者順治拾伍年拾月初捌日

勅諭固山額其郎載等鎮守福建稿

皇帝勅諭固山額其郎載梅勒章京等茲特命爾前往福建鎮守駐劄省城此地因鄭逆不逞負固海濱彈壓勦除必需耆舊爾總統滿漢大兵居中董馭務要整練兵馬申嚴紀律如遇海寇登岸督率兵將奮力殲除如連寇遁匿海島當悉心籌畫相機撫勦擒渠掃穴以靖餘氛其已順軍民多方綏輯俱使得所如有潛通逆寇者須廣布德威除逆招順至所統兵丁嚴加諭戢不許倚勢橫行強奪市井及借打草放馬爲名騷擾農田必使軍民相安不爲地方所苦一應本折糧草會同督撫計處支給總兵叅副等官悉聽爾節制兵備道等官遇有軍機卽行馳報怠忽誤事者卽指名叅奏武職有偷惰懈防抗拒軍令及臨陣退縮殺良冒功乘機搶掠都守以下悉以軍法從事叅遊以上飛章叅處勅中開載未盡事宜爾【等】須同該督撫按商酌妥當施行民間一應事情係有司職掌不得干預凡與各省交錯之處遠察近偵無致疎略爾以【簡】舊勳特爲簡任須盡忠奮勇廓清遺孽永奠封疆殫厥勳勞自有懋賞如或貪黷乖張縱兵玩寇國憲無私爾其勉之故諭

（墨批）此稿不用

（The main body of the page contains extremely faint, illegible vertical text columns, likely bleed-through from the reverse side of the document. The text is arranged in approximately 20 columns, spanning the width of the page within the main border.)

溫台賊勢重大殘揭帖

(上缺) 處合師進勦間旋據台州□□□□□兵馬直上台區盤山秀嶺口子楚門玉環賊船游移逆羽馬信黑李三等搭廠于台屬之石塘僞張五府統領賊艦繼泊于台汛之懸島而東岸連盤道頭吳都泗淋等地方賊艘耽耽窺伺寧區塘報賊踪游移職恐北汛單虛萬不獲已復箭付提督臣田雄仍駐台區會商台寧鎮道相度緩急僇力堵禦以固北汛一面飭差的役分探賊情有報逆賊楊志道獻郡縣地里圖形要三路攻城者有報鄭逆見屯盤石天妃宮周姚二僞鎮旋泊飛雲渡者有報僞鎮甘輝萬提督陳文達等見屯樂清蒲岐踞地造船者有報蒲岐已造八字木城所內駐僞建安伯甲賊火兵有萬餘者有報沙園賊徒萬餘市場交易不許鄉民入城者有報張煌言在南田林門欲到象山打糧者并逃回各弁兵口供逆賊奸詭水陸分屯製造土圍雲梯噴筒火藥狡謀攻犯者雖各口供未可盡憑職嚴飭固守并節次督發官兵救應瑞安遂于二十六日有放砲打死賊兵二百餘徒之捷二十九日有江邊設伏溺死賊徒之捷初五日有出門迎勦當場斬獲首級盔甲器械殺死三百餘賊之捷初六日有官兵東山夾擊賊潰沉死甚多之捷而台鎮水鎮塘報官兵各有擒獲稍壯軍聲然賊勢猖狂十分重大而我沿海一帶在在須防各處汛兵苦難抽調職憂心如焚雖數日以來脩船調砲督運糧餉少有頭緒適接前督臣咨檄防溫督標官兵赴閩則青田又已空虛隨商梅勒章京臣陳典謨留烏金超哈官兵于青田職介馬馳赴溫州以便躬親督率料理俟有情形另行馳報職謹會同撫臣陳應泰梅勒章京臣陳典謨夏景梅提督臣田雄合詞密題伏乞勅部查照施行爲此除具題外須至揭帖者順治拾伍年拾貳月日

兩廣總督王國光會題閩商李楚等走險出洋殘件

(上缺) 焚楊奎間擬邊衛終身充軍具招於拾叁年拾貳月初肆日解詳到司堂查審得李楚楊奎各執鄭逆之牌爲商販貨違禁下海私出外國應得之罪奚辭但鄭逆久背王化爲之商客者尙得謂之順民乎招云各商執票在鄭逆未叛之前要查鄭逆反面在於何年月日再查僞票雖寫本朝年號然非本朝侯印其情不可不疑事關欽案難容草率除批發該府會同理刑官覆確另詳外所有始末文卷合再確審備牌仰府即便會同理刑官速將發來始末情節星速弔出犯商李楚楊奎逐一細加研審務要妥招確詳就蒙本府備抄文卷牒移理刑廳查照卷內事情會同弔審當蒙差人弔喚李楚楊奎到官比李楚等供稱拾壹年拾貳月拾玖日開船拾貳年伍月初伍日回來至捌月拾捌日飄到雷城東海求鄭夫人之票只是圖記出外在先鄭成功作叛在後楚等不知何年作叛等語各供報在案致蒙本府知府黎民貴理刑推官董緒會同覆審看得李楚楊奎二犯自稱曰閩商曰順民按其實則逆黨也據其初呈稱同安侯爵下官商奉太夫人差往暹邏換貨等情非逆黨而何且商人之本有限今二犯貨物纍纍不下數萬金非鄭逆之本而何使非天敗其奸颶風吹送則二犯又安肯頻首帖耳自稱順民投止雷疆也況鄭逆鳴張閩省窺我潮郡蹂躪三邑而此輩假商爲名潛通消息叵測難知致蒙巡撫部院會同藩督按院具題候旨間其貨物除先賣棉花銀交納壹千貳百兩外悉經移運民房機兵防護不謂海寇陳奇策等被省兵搗巢殺賊逃遁至雷然其船尙多其黨尙衆於本年肆月拾陸日灣泊鬱律洋船港次蚤登岸將兩給船移貯民房之貨罄刦一空至貳拾伍日仍行劫船不遂并其船而燒之兩船水手百餘人盡行逃散守兵衆寡不敵殺傷多人致蒙部院再題奉旨密封到部蒙憲轉檄卑府弔